



mælkebøttestreet

Børne- og Ungehuset Mælkebøtten • Bo-enheden Ilasiq • Bo-enheden Allu • Seqineq • Postboks 1335 • 3900 Nuuk • www.mb.gl

*Meeqqat inuusuttuaqqallu
inuunerissaarnissaat
ineriartornissaallu pineqarpoq*

MÆLKEBØTTECENTERIP UKIUMOORTUMIK NALUNAARUTAA 2022



Imarisai

Asasara atuartog	3
Eqqaamasat, ataasimoorluni misigisat, ukiorlu nalliuttorsiorfiusoq	4
Mælkebøttecenterip tunuliaqutaa siunertaalu	5
Aaqqissuussaaneq	6
Siulersuisut.....	6
Allaffeqarfik	7
Mælkebøttecenterip ingerlatsiviini siuttut.....	7
Mælkebøttecenterimi ukiup ingerlanera	8
Allaffeqarfik	8
Tunissutit	8
Kinguuariit nikinnerat.....	8
Tunissuteqartunut suleqatinullu qjassut	9
Nalliuttorsiorneq	9
Tusass frimærkip tunniunneqarnera	9
Kirsten Ørgaard-ip 65-liinera	9
Kunngisakkut nersorinnittarnerat	9
Nutaarsiassat nalunaarusiallu.....	10
Psykologip 2022-imi sulinera	10
Immikkoortortaqaarfiit ukiumoortumik nalunaarutaat	11
Mælkebøtten.....	11
Ilasiaq	16
Allu	25
Mælkebøttecenterimi attavissat	30

Asasara atuartog

Una tassaavoq Mælkebøttecenerip 2022-mi ukiumoortumik nalunaarutaa. Neriuppugut soqutigalugu atuassagit, ukiumoortumik nalunaarummi meeqqat inuusuttuaqqallu sumiginnagaasimasut pillugit Nunatsinni sulinerput paasisa qarfigineqarsinnaavoq.

Asannittumik inuulluaqqusilluta

Mælkebøttecenerimi meeqqat sulisullu



Eqqaamasat, ataasimoorluni misigisat, ukiorlu nalliuttorsiorfiusoq

Tamatta nalugunangilarput. Meeraasimanerput eqqaallugu oqaluuserileraagatsigu, pisimasut anner-tuut nuannersut eqqaqqajaasarpavut – ulloq atualeqqaarfik, apersortinneq, sulingiffeqarnermi misi-gisat allallu pisimasut pingaarutillit, inuunermi ataasimoorluta nuannaarlutalu misigisimasavut. Ataatsimoorneq ataatsimoorlunilu misigisat attaveqaatigiisitsilersarput – arlaannut attaveqartutut ilaquta-riinnulluunniit ilaasutut misigilersitsisarlutik. Ukiut arlalialuit Covid-19 pissutigalugu pisortat amerla-suut katersuunnissaannut mianersoqqusuteqartarput, soorlu kaffisortitsinernut, tamatumali kingorna arriikkaluamik aqqissuussiniartalerpugut – suli mianersortunnguamik.

Ukioq 2022-mi, Mælkebøttenip 15-liinera Covid-19 pissutigalugu kinguartinneqarsimasoq kiisami nal-liuttorsiuutigisinnaalerparput. Nuannaarutiginerpaavarput meeqqat inissitat oqaluttuussinnaagatsigit, Kunngikkormiutut ataqqinassusilik HKH Mary aamma Mary Fonden, nalliuttorsiornermi kaffisortitsinit-sinnut peqataassasut. Kronprinsesip tikinnissaanut piareersarneq, pissanganeq aarleritsalaartarnerlu, nuannerluinnartumik misigisaavoq. Meeqqat kunngikkormiumik ilassinninnissamut sungiusarput, ul-lorsionnissamullu atisassarsiniarlutik. Ataatsimoorluni misigisaq, sulisut meeqqallu suli qungujulaar-lutik eqqartortagaat.

Ileqqut, pisimasut ataatsimoorlunilu misigisat oqaluttuarisaanermut ilannguttarput. Oqaluttuap nuan-nersup ataatsimoorlunilu misigisat pitsaasut, kiserliornermut akiuussinnaalersittarpaatigit, ileqqupa-laangorsimasunik allanngortitsisinnaangortilluta, taamaalillutalu inuunitsinni nukissaqarneruler-sarluta. Inuuneq isumaqarnerulersarpoq.

Mælkebøttecenterip pisortaatut nutaatut inissisimalernera tulluussimaarutigaaara, meeqqavullu pillugit allannguinnissamik suliniutit anguniakkallu inerlateqqissallugit. Maniguullunga suliasat aallutissavak-ka pisortatullu 2023 qilanaaraara, meerartatta amerlanerusunik ataatsimoorlutik misigisaqarnissaat siunertaralugu.

Inussiarnersumik inuulluaqqusillunga

Nuka Fleischer

Mælkebøttecenterimi Pisortaq

Mælkebøttecenerip tunuliaqutaa siunertaalu

Mælkebøttecenerip siunertaraa angerlarsimaffimmik immikkoortorta qarfinnillu ingerlatsiviusuussa-soq meeqqat inuusuttuaqqallu Nunatsinni sumiginnagaasimasut inuunerissaarnerulernissaat atugaa-salu pitsanngorsarnissaat anguniassallugu – kiisalu sumiginnaasarneq siunissami pinngitsoortinnias-sallugu.

Mælkebøttecenerip pilersinneqarneranut tunuliaqutaavoq, inuit takorluuisinnaalluartut ukiut tusin-tilikkaat nikinnerisa kingorna pilersitsiumallutik aalajangersimanagerat. Isumassarsiaq Sulisitsisut Kat-tuffianni pilersimavoq, tamatumalu kingorna inuit tunniusimalluartut uteriillutik sulinerisigut 2006-imi Meeqqat Inuusuttuaqqallu Illuat Mælkebøtten pilersinneqarluni. Pisariaqartitsineq annertummat suliat ukiut ingerlaneranni annertusiartorput, ilaatigut immikkoortorta qarfinnik pilersitsinikkut, ullumikkullu – pilersinneqaqqaartoq ilanngullugu – Mælkebøttecenerimik taallugu ingerlanneqalersimalluni. Ine-riartornerup ajunnginnerpaamik takutippaa, taamani massakkullu namminersortut ingerlataannik – pikkorissumillu – Mælkebøtteceneritut siunertalimmik, naleqartitalimmik takorluugaqarlunilu inger-latamik pisariaqartitsisoqartoq.

Mælkebøtteceneri tassaavoq orniguffiusinnaasoq, meeqqat iggaviat, nipilersortarfik aamma meeqqa-nik sumiginnagaasimasunik nalilersueqqissaartarfik, najugaqarfiit Allu aamma Ilasiaq, kiisalu tarnik-kut siunnersuisarfik allaffeqarfillu. Tamakku saniatigut aamma Kapisilinni illuuteqartoqarpoq, feeriar-nerni aammalu meeqqanut inuusuttuaqqanullu allamut nikeriarnissamik immikkullu sullinneqartaria-qartunut suliniutinut atorineqartartoq.

Aamma inuusuttuaqqanut 18-it sinnerlugit ukiulinnut, najugaqarfinniit anereersimasunut, kingorna sullinneqarnissamik neqerooruteqartarpugut.

Ukiumoortumik nalunaarusiami matumani 2022-mi Mælkebøttecenerimi pisartut suliniutigineqartul-lu paasisaqarfiginerusinnaavatit. Annerusumik sulinerput angusallu pillugit atuarsinnaavutit nittartak-katsinni www.mb.gl

Aaqqissuussaaneq

Siulersuisut



*Siulersuisut
siulittaasuat
Henrik Sørensen
– Sulisitsisut
Kattuffiat*



*Siulersuisuni
ilaasortaq
Preben Kold Larsen
– Nuuk Rotary Klub
Sermersooq*



*Siulersuisuni
ilaasortaq
Lise Mørup Dalsgaard
– Lions Club*



*Najuuttartoq
Avaaraq Olsen
– Kommuneqarfik
Sermersooq*

Mælkebøttecenterimi sulilluartunik tunniusimasunillu siulersuisoqarpoq, centerip ingerlanneqarneranut pingaarutilinnik aammalu suliffeqarfinnut namminersortunut, kattuffinnut pisortanullu attaveqar-neq qulakkeertarlugu.

Inuiaqatigiinnit avatangiisigisatsinnit tapersorsorneqarnissarput uagutsinnut pingaarutilerujussuuvog – aningaasatigut tapiinerit ilanngullugit – meeqqanik inuusuttuaqqanillu ikiuisinnaanitsinnut aalaja-ngiisuulluinnarluni. Siulersuisut ukiup ingerlanerani pingasoriarlutik ataatsimiipput. Tamatuma sania-tigut siulittaasoq pisortarlu mailikkut, oqarasuaatikkut qarasaasiatigullu attaveqatigiittuarput.

Kirsten Ørgaard atorfimmi nutaami siunnersortaanertut siulersuisut ataani atorfeqarpoq.

Siulersuisuni ilaasortat:


Henrik Sørensen (Siulittaasoq, Sulisitsisut Kattuffiat sinnerlugu ilaasortaasoq)

Lise Dalsgaard (Lions Club Nuuk sinnerlugu)

Preben Kold Larsen (Nuuk Rotary Klub sinnerlugu)

Avaaraq Olsen (Kommuneqarfik Sermersooq sinnerlugu peqataasartoq)

MÆLKEBØTTECENTERI



Allaffeqarfik

Nuka Fleischer – Pisortaq

Erik Amondson – Aningaasaqarnermut Pisortaq

Vivi Munk – Allaffissornermi siunnersorti

Majken Gundtoft – Allaffimmi fuldmægtigi

Katrine Vitting - Psykologi

Piginnaanernut Ineriartortitsinermullu pisortatut atorfik matuma allanneqarnerani inuttaqangilaq.

Mælkebøttestreet centerip ingerlatsiviini siuttut

Nalilersueqqissaartarfik Mælkebøtten – aqutsisoq Edith Nordbeck, tullersorti Lillian Noahsen, Najugaqarfik Ilasiaq – aqutsisoq Lena H. Kielsen, tullersorti Henriette Pedersen,

Najugaqarfik Allu – aqutsisoq Pilu Noahsen, tullersorti Helene Heilmann.

Mælkebøttecenerimi ukiup ingerlanera

Allaffeqarfik

Ukiq 2022-mi allaffeqarfirmi atorfiit inuttaligassat tamarmik inuttalerneqarput. Tamanna ingerlatsinermut iluaqutaqaaq, Mølkebøttecenerillu suliaasa ineriartortinnissaanut periarfissiilluni. Piffissami sivisuumi aningaasaqarnermut pisortaqangereerluta, suliffeqarfik atorfinitsiniarnermik sulialik suleqatigalugu aningaasaqarnermut pisortassamik nassaarpugut. Erik Amondson majip aallaqqaataani aningaasaqarnermut pisortatut Mælkebøttecenerimi atorfinippoq. Taamatullu aamma allafissornermik ingerlatsisumik, allaffimmi fuldmægtigimik kiisalu psykologimik naammasserlaamik Mælkebøttecenerimi atorfinitsitsisoqarluni.

Tunissutit

2022-mi Mælkebøtteceneri, meeqqanut inuusuttuaqqanullu Mælkebøttenip Orniguttarfianniittunut atassuteqartunullu iluaqutaqisumik tunissutisisarpoq. Aningaasaliinerit meeqqanut sulii amerlanerusunut iluaqutaasinnaasunik suliaqarnissaq periarfissaqartileraat.

Østifterne annertuumik aningaasaliinerisigut Nunatsinni ulloq unnuarlu angerlarsimaffinni sulisut 2023-mi ilinniagaqaqqinnissaannut periarfissaqalissaaq. Ilinniagaqaqqinnermi sammineqartussat ilagissavaat nammineq allallu eqqarsaataat pillugit eqqarsarsinnaaneq, Center for Mentalisering ilinniar-titsisoralugit, Mælkebøttecenerilu pikkorissarnermut ataqatigiissaarisoralugu.

Aamma ANT-fondip annertuumik aningaasaliissuteqartoqarneratigut meeqqat inuusuttuaqqallu inissitat 2023-imi aasakkut feeriansinnaanerit qulakkeerneqassaaq.

Tunissuteqartut allat tassaapput namminersorlutik suliffiutillit klubbillu nunatsinneersut nunanilu allaniittut, soorlu Lions, Rotary aamma Soroptimisterne.

Mælkebøttecenerimi tupaallaatigineqaaqisumik juullimi tunisisoqarpoq aningaasanik poortukkanillu, naak tunissuteqarnissamik qinnuteqartoqarnikuunngikkaluatoq. Tamatuma kinguneranik meerartavut pisarnermit annerusunik tunissutisissipput, soorunami meeqqanut tamanut nuannaarutaqisumik. Covid-19-ip killilersuutaanerata kingorna Mælkebøtte-p orniguttarfiani ukiumoortumik Nuummi meeqqanut orpiliartitsisoqarsinnaaqqilerpoq. Aamma tamatumuuna Nuummi inuusutissarsior-tut tunissuteqarnerisigut Mælkebøttenip meeqqat 60-it qaaqquai, juullisunnittunik nerersuartillugit, orpiliartillugit juullillu inuanit tunissutisillutik.

Tamakku saniatigut suliniutinut allanut tunissutisivugut, annerusunik immikkoortortaqaarfiit pillugit allaaserisani paasisaqarfusinnaasunik.

Kinguaariit nikinnerat

Ukiq naajartulersoq sivisuumik pilersaarusiorkkatut kinguaariit nikinnerat, isumaqatigiissutit naapertorlugit ukiumi nutaami 2023-imi pisussaq piviusunngortinneqarpoq. Taamaalluni ilisimasanut ineriartortitsinermullu pisortaq Nuka Fleischer pisortanngorpoq – tamannalu tikillugu pisortarisimasarput Kir-

sten Ørgaard atorfimmit tunuarluni atorfimmi nutaami siunnersortaanertut atorfeqalerluni. Kirsten Ørgaard siunissami suliffeqarfiup avataani suliassat pingaarnertut aallutissavai, tamatumunnga ilaallutik attaveqarfiit isumagineqarnerat, assigiinngitsutigut ikorfartuineq, aningaasannanniarneq il.il..

Tunissuteqartunut suleqatinullu qujassut

2022 ataatsimut isigalugu Mælkebøttecenterimut pissanganartuullunilu ineriartorfiusimavoq. Ilisimasanut ineriartortitsinermullu pisortaqaarnikkut aqutsisut sulisorineqartullu ineriartornissaat atugaallu aallutarineqarsimapput. Naak meeqqat inuussuttuaqqallu inissitat arlallit katsorsarneqarnissamik pisariaqartitsigaluartut, siuariartornitsinnut takussutissat nuannaarutissaapput, tassami tamakku nangittumik tunniusimalluni suliaqarnissamut kajungernerulersitsisarmata.

Tamatumunnga atatillugu tunissuteqartartunut suleqatitsinnullu annertuumik qujassutissaqarpugut.

Nalliuttorsiorneq

Mælkebøttenip 15-liinera augustip 23-anni 2022 nalliuttorsiutigineqarpoq – naak Mælkebøtten ukiuni 16-ni pioreersimagaluartoq, Covid-19-ili pissutigalugu malunnartitsinissaq 2022-mut nuunneqarluni. Nuannaarutigeqisatsinnik ullorsiorneq HKH Kronprinsesse Mary-mit peqataaffigineqarpoq. Kronprinsesse Mary-p Mælkebøtten pulaarpaa aamma. nereqatigaarput Piareersarneq pilersaarusionerlu aallartinneqarasuarput, meeqqat sulisullu ullormi angusaqarluarlutik. Ulloq tamanut puigunaalluinnarpoq, HKH Kronprinsesse Mary-p takoqqinnera tamanut nuannaarutaalluni. Pisoq Nunatsinni Danmarkimilu tusagassiorfinnit malinnaavigineqarpoq.

Tusass frimærkip tunniunneqarnera

Tusass ukiumut ataasiarluni frimærkimik ilassummik nalilimmik saqqummersitsisarpoq. Kronprinsesse Mary-p 50-liineranut atatillugu Tusass frimærkimik saqqummersitsivoq. Frimærkip assiliartaa kusanartoq tassaalluni Kronprinsesse kalaallisooqarluni assinga. HKH Kronprinsesse Mælkebøttecenteri frimærkimut tunineqartumut ataatsimut 1 kr.-nimik nakkartitsivigineqartassasoq kissaatigisimavaa.

Mælkebøttecenterip Tusass suleqatigalugu tunissutip tunniunneqarnera martsip 2-anni kaffillerlutik malunnartippaat. Suleqatit qaninnerit, sulisut meeqqallu nuannaaqalutik peqataaffigisaannik.

Kirsten Ørgaard-ip 65-liinera

Ukiut marluk Covid-19 pissutigalugu taamaallaat annikitsuaqqamik ataatsimoortarnikuulluta Mælkebøttecenterimi aalajangerpugut pisortap 65-liinerani Mælkebøttemi kaffisortitserujussuarniarluta. Suleqatit, ilaqquttat ikinngutit kiisalu meeqqat sulisullu kaffisortitsinermi ilaapput.

Kunngisakkut nersorinnittarnerat

Ukioq manna aamma Kunngisakkut Bikubenfondillu pisortaq nersornaasiinermut, Ringsted-imi 5. November 2022-imi ingerlanneqartumut qaaqqaat.

Aqutsisutut sungiusarnejq periusissionerlu

Aqutsisut tamarmik Danmarkimi sungiusariarnikuupput. Peqataasut ulluni ilikkagaqarfiusuni, aqutsisuunerup, imminut ilisarinerulernissap, ineriartortitsinerup allarpassuillu sammineqarneranni pisarsiaqarluqaat.

Nutaarsiassat nalunaarusiallu

Mælkebøttecenerip sulineranut malinnaarusukkuut nutaarsiassaatigut nalunaarusiavullu il.il. nittartakkatsinni atuarsinnaavatit.

Tapiissuteqartartut immikkut sammisanut aningaasaliissuteqaraangata, kingornagut tapiissuteqarsimasunut suliarineqarsimasut pillugit nalunaarusiortarpugut. Taamaalillutik aningaasaliissuteqartartut aningaasat sunut atornerarannut malinnaasinnaapput. Aningaasaliisartut periarfissaq tamanna iluarisorujussuaat, soorunami taamaammat periuseq tamanna nangissavarput.

Psykologip 2022-imi sulinera

Septemberimi Mælkebøttecenerimi psykologimik atorfinitsitsisoqarpoq. Siusinnerusukkuut psykologimik atorfeqartitsinitsinni annertuumik iluaqutigisimavarput, taassuma meeqqat ilisarimalerlugillu piffissaagallartillugu suliaassarpassuani aallussinnaasarmagit.

Siullermik illumi suliat ingerlaartarnerat paasiniarneqarpoq, immikkoortortani aqutsisut naapillugit, sulisorineqartut meeqqallu kiisalu psykologip sulinerani suut naatsorsuutigineqarsinnaanersut ilmagineqarnerisooq paasiniarneqarput. Psykologip suliaasai assigiinngiaartorpasuupput, meeqqat inuunerminni atugarissaarnissaat siunertaalluni. Tamanna meeqqat pisariaqartitsisut oqaloqatiginerisigut katsorsarneqartarlutik. Katsorsaaneq meeqqap pisariaqartitai ukiuulu naapertorlugit aaqqissuunneqartarpoq, periutsillu assigiinngitsut pinnguarnermik aallaavillit atornerartarlutik. Tamatuma saniatigut psykologip misiliutit assigiinngitsut atorlugit meeraq misissoqqissaarsinnaavaa, meeraq immikkut pisariaqartitsinerisooq paasiniarlugu.

Ukiumoortumik meeqqat ataasiakkaat katsorsarneqarnissaannut pilersaarusernermi psykologi peqataasarpoq, tassani meeqqap ineriartornissaanut anguniagassat periusissallu aalajangersorneqartarlutik. Psykologi suliaminut tunngasutigut sulisorineqartut maluginiagaat ilanngullugit ilassuteqartarpoq, taamaaliornikkut meeqqap atugarissaarnera siunissamilu ineriartornissaa sapinngisamik tamatigoortumik nalilersorneqarniassammat.

Psykologip suliaasa allat ilaat tassaavoq sulisorineqartunut tapersersortaaneq. Mælkebøttecenerip immikkoortortaqarfii tamarmik immikkut sapaatit akunneri arfinilikkaarlugit nakkutigineqartarput. Tamatumani ajornartorsiutaasinaasut sammisalluunniit aalajangersimasut, sulisut pisariaqartitaat naapertorlugit sammineqarsinnaasarpup. Aamma sulisut ataasiakkaat "imaajarfigisinnaasaannik", sulisup sulinerminut atasumik aporfiusinnaasut pillugit, amerlanerusut akornanni eqqartoruminaassinnaasunik neqeroorfigineqartarput. Pisariaqartitsisoqartillugu psykologip sulisut sakkortuunik pisoqarsimatillugu tarnikkut oqilisaataasumik oqaloqatigisarpai.

Mælkebøttecenerip psykologia aamma nammineq akuttunngitsumik Nuummi psykologimik akuerisaasumik oqaloqateqartarpoq, pikkorissarnernullu iluaqutaasinaasunut peqataasarluni, piginnaasaminik qaffassaarusulluni.

Immikkoortortagarfiit ukiumoortumik nalunaarutaat

Mælkebøtten

Mælkebøttenimi init alliit tassaapput orniguttarfik, meeqqat iggaviat aamma nipilersorfik. Inini qulaa-niittuni meeqqat sumiginnagaasimasut misissoqqisaarneqarnerat ingerlaannartumillu inissinneqarsinnaasut, ingerlanneqartarpoq. Inini quleriinni siulleq Mælkebøtten ulloq unnuarlu ingerlatsiviatut taasarparput.

Immikkoortortaq taanna (ulloq unnuarlu ingerlatsivik) meeqqanut unnuisunut 9-nut inissaqarpoq, inissinneqartut 2022-imi 6-iniit 14-nut ukioqarput.

Inissiineq siunertaqarpoq inuunikkut tarnikkullu misissueqqissaarnissamik angajoqqaat, atuarfik, sunngiffimmi ornittagaq kiisalu isumaginninnermut ingerlatsivik suleqatigalugit.

2022-imi inissiinerit agguaqatigiisillugu qaammatinik 7,4-nik sivirususeqartarsimavoq.

Meeqqat marluk angerlarsimaffimminnut utersimapput meeqqallu sisamat ulloq unnuarlu paaqqin-niffinnut allanut, meeqqat pisariaqartitaat naapertorlugit, inissinneqarsimapput taakkunanga marluk Ilasiamut aamma Allumut. Maluginiagaavoq ukiuni kingullerni marlussunni Mælkebøttenimi inissinneqartartut nukappiaqqat niviarsiaqqaniit amerlanerusimasut.

Mælkebøttenimi ulluinaat ingerlanerat

Meeqqat angajulliunerisut namminneq atisaminnik errorsisarnissaat ilinniartitsisutigineqartarpoq.

Ulluinnarni pisassat meeqqat ilinniagaasa ilagaat, taakkunani meeqqat nerisassiornermi, nerriviliornermi il.il. ikiuttarput meeqqat inerisimassusiat ukiulu naapertorlugit. Meeqqat iniminnik torersaassereeraangamik aningaasat kaasarfimmiussatik tigusarpaat. Aamma meeqqat nakkaatitsiviminni kaasarfiuminnik katersisinnaapput.

Meeqqat ataatsimiittarnerat qaammammi sisamanngornermi siullermi ingerlanneqartarpoq. Eqqartorneqartartut ilagaat Mælkebøttenimi killissarititaasut naleqartitallu, isumaqatigiissutit eqquutsittarnissaat, meeqqat sunik sammisaqarusunnerlutik kissaataat, sunik nererusunnersut il.il..

Qiimmassaalluta, nersualaarinnillutalu kajumissarisarput, meeqqat namminneq ajornartorsiummik akimmiffimilluunniit qaangiinerup ajugaasimaarnartua misiginias-sammasuk. Assersuutigalugu meeqqanut marthoni naam-massisimappassuk, atuariartornissartik nakkutigippassuk, nerisassiorluarpata, iniminni torersaappata – allanilluunniit pisassanik suliasanillu naammassinnip-pata.



Kapisillit

Kapisilinnut Mælkebøttemiit angalaqqaarneq upernaap aallartilaarnerani pivoq. Anaaleriviup/Fastelavnip naligimmagu Kapisilinni illuutitsinni, Seqineq-mik taagukatsinni, fastelavnertoqarpoq. Suna tamaat ilanngulugu fastelavnimi boorlut, kakao, mamakujuit anaalerinerlu dronninginngortoqarluni kunnginngortoqarlunilu.

Tamatuma saniatigut atuakkerineq, nallukattaanneq allanillu pinnguarneq, pisuttuarnerit, iffiorneq, popcornituutigalugu filmerneq il.il..




Sammissat

Upernaap ingerlanerani sisorarfinnukallattaasoqarpoq, naak aputaasannera pissutigalugu akuttugaluartoq.

Sapaatit akunnerannut aalajangersimasumik marloriarluni naluttarfimmiittoqartarpoq, tamatumali saniatigut nalunnguariartoqarluni, meeqqat naluttarfimmiinneq nuannareqimmassuk.

Aasap ingerlanerani nalunaaquttap akunnerpassui arsaaffimmi atorneqarput, arsaanneq meeqqat inissitaasimasut tamarmik nuannarisorujussuummassuk. Aamma pinnguartarfinnukartoqartarpoq, meeqqallu qajartorneq misilippaat.



Timersortarfiup atortinneqarnera

Ilinniarnertuunngorniarfiup inussiarnisaarnermigut timersortarfeerartik Mælkebøttenimut sapaatikkut ul-laap tungaani akeqanngitsumik attartortittarpaa, mee-qanut inuussuttuaqqanullu nuannaarutaallunilu iluaqu-taasumik. Tamanna assut qujassutigaarput. GUX quja-narsuaq.



Ukiumi atuartutsialak

Ukiup atuarfiusup 21/22 naanerani meerartatta inissinneqarsimasut ilaat Atuartutsialattut toqqagaa-voq. Tamatumunnga atatillugu ulloq malunnartinneqarpoq nerilluartaqarluni kingulerartuuttoqarlunilu, Atuartutsialanngortorlu tunissuteqarfingearluni.

Aasaanerani feeriarneq

Aasaanerani Danmarkimi feeriartharpoq. Meeqqanut siullermeerlutik Danmarkimeeqataasunut misigisaqarfioqaaq, siullermeertumik orpiit takullugit, attorlugit qallorfigalugillu. Feeriar ingerlanerani sissaliartaqarluni, imaaniittoqartarluni, orpipassuarni pisuttuarnerit, paasiniaanerit soorlu sullerngit sionratigut takusimanngisat pillugit, taakkulu "sullerngit illuanni" pisiatsinni misissorneqartarlutik.




Meeqqat Idrætsefterskole-mi najugaqarput, tassani arfineq pingasunik arsaattarfeqarpoq, basket-ball-ertarfeqarluni, tennis-ertarfeqarluni, bordtennis-ernermet nerriveqarluni allallu illup iluani sammineqarsinnaasut – tassa silami arlaannik misigisassarsiuunngikkaanni, atuarfimmu periarfissat allat sammineqarsinnaallutik. Atuarfiup ungasinngisaani pinnguartarferujussuaqarpoq, meeqqat arlaleriarlutik ornittagaat.

Meeqqat ilaat feriarnerup nalaani inuussiormat, Legoland-imi inuussiortitaavoq, aliikkutassallu sapinngisamik tamarmik misilitassaallutik. Kingorna McDonalds-imi nerrittoqarpoq – taamatut aamma siullermeertumik misiliisoqarpoq nuannaarutaaqisumik, tassami McDonalds tv-kkut ussasaarutaanarni takuneqartarmat.

Økolariet, Vejle Oplevelsescenter, Randers Regnskov, Give Skud, Rush – Århusimi trampolinertarferujussuaq kiisalu Den Blå Planet, meeqqat ilaatigut takusarpaat.

Aamma nalunnguarterfiit/badelandillu arlallit misigisaqarfigaat. Meeqqat tamarmik atisarsiniarnissaannut periarfissaq atorneqarpoq. Ulloq kingulleq Københavnimi Tivoli pulaarneqarpoq, immikkoortunit marlunnt avilluta, arlaat suna tamaat misilikkumallugu arlaasalu ingasappallaanngittuinnaat misilerarlugit.



Aasaanerani feeriarnepur sinnera Nuummi atorneqarpoq, nunaliartarluni, arsaaffimmiittoqartarluni, cykilerluni løbehjulerlunilu, naluttarfiliartoqartarluni, umiarsualivimmi aalisartoqartarluni, rundboldertoqartarluni il.il..

Ukiaq

Ukiakkut Kapisilinnukartoqaqqippoq, ukiuuneraniit silami sammisat tamatumuuna amerlanerullutik, ilaatigut arsar-toqarluni, rundboldertoqarluni talittarfimmilu aalisartoqarluni, kiisalu meeqqat sisamat Pingua qaqillugu.

Tamakku saniatigut meeqqat sulisullu arpatitsinernut arla-riinnut ukiup ingerlanerani peqataapput.

Ukiaanerani arlaleriarluni filmeriartoqarpoq, Avis Lege-landimukartoqarluni isiginnaartitsinernillu isiginnaartoqarluni. Illoqarfimmi Tivoleqarnera nuannarineqarpoq, mee-qallu tamarmik 200 kr-nik Tivolimukarnissaminut tunineqarsimapput, taamaammallu pisarnermiit arlaleriarluni tassungartoqartarluni.



Aalajangersimasunik sammisaqarluni angalanerit

2022-mi Mælkebøttenimiit tallimariarluni aalajangersimasunik sammisaqarluni Kapisilinnukartoqarpoq.

Tamatumani isumaginninnikkut/perorsaanikkut meeqqanut allanik avatangiiseqartariaqartunut neqeroorutaasut sammineqarput, attaveqartarnerup allanullu pissuseqarnerup meeqqat ilaannut ajornartorsiutaasinnaasut immikkut sammineqarlutik. Taamatut angalanerini meeqqat eqqissisarput suleqatigiuminarsisarlutillu, aamma meeqqat annerusumik sammineqartarnertik iluarusuutigisarpaat.

Orniguttarfik

Orniguttarfik illoqarfiup meerartaanut inuusuttuarartaanullu neqeroorutaavoq.

Nereqataarusuttut ullut tamaasa kissartunik nerisineqartarput, sapaatit akunnerisalu naanerini sandwichinik suppimilluunniit sassaallertoqartarluni.

Orniguttarfimmi akrylimik qalipaasoqarsinnaavoq, nuersaasoqarluni nissikullattaalluniluunniit, sapaangaqerilluni allarpassuarnilluunniit sammisaqarluni.

Sapaatit akunnerisa ingerlaneranni Olsenerluni, bordtennisserluni nerrivimmiluunniit arsarluni unamisoqartarpoq, ajugaasut pinnattarlutik. Qaammammut ataasiarluni, qaamatit naanerini, bankortoqartarpoq pitsannik eqqugassartaqartartunik.

Tamakku saniatigut Orniguttarfimmi fastelavnertoqartarpoq, halloweenertoqarluni kiisalu orpiliartitsisoqartarluni, illoqarfiup meerartaasa peqataaffigisinnaasaannik.

Fatelavnertoqarnerani kunnginngortut dronninginngortullu Katuami filmertarfimmut gavekortinnapput. Kakaosuuttoqarpoq, fastelavnip boorluinik illulerlugu mamakujuttuuttoqarlunilu, unnukkullu nerinermi pizzatuuttoqarluni.

Halloween aamma ilutittumik ingerlanneqarpoq, ersinartunik kiinnamikkut qalipallutik, atisalersorlutillu kiisalu ini qiaammernartoqarpoq nipinik ersinartunik tusarfiusinnaasumik. Nerisassaqarlunilu mamakujuttoqarpoq sammisamat naleqquttunik.

Orniguttarfimmiit marloriarluni Kapisililiartoqarpoq. Ilaatigut kuummukarluta ikumatitami igavugut tiitorlutalu – ualeq nuannerluinnarpoq. Misigisaq immikkoorluinnarpoq tassami meeqqat ilaasa ikumatitami iganeq aatsaat misilippaat. Imermi nillertumi ullut tamaasa nalunnguartarput.

Unnuit ilaat pinguaatinik sammisaqartarpugut, sodavandi, chipsit imaluunniit mamakujuttut akissarsiarineqarsinnaallutik, nuannarineqaqisumik.

Paarnanik nuniattoqarpoq, puussiat arlallit immerneqarlutik.

Meeqqat nuannarigaaramikkut aappaagumut ilaaqqinnissartik allaat kissaatigalugu.

Ilasiaq

Najugaqarfik Ilasiaq Mælkebøttecenterip immikkoortuisa ilagaat, taannalu ukiuunerani 2011/2012 ammarpoq, illumi najugaqalersussat siulliit iserterlutik. Ilasiami najugaqartussat tassaasarput meeqqat 3-niit 11-nut ukiullit. Iliusissat anguniagassallu naammassinissaasa tungaanut najugaqartoqarsinnaavoq, kisiannili inuusuttuaqqap 23-liinissaanut killeqarluni. Meeqqat Ilasiamiittut amerlanersaat, inissinneqanginnerminni isumaginnikkut tarnikkullu misissuiffigeqqissaarneqarsimapput.

Ilasiami ukiup ingerlanera

2022 ukiuuvoq ulapaarfiusoq, pitsaasorpassuarnik pissanganartunillu pisoqarfiusoq.

Februarip 28-anni Ilasiaq quliliivoq. Kaffisortitsisoqarpoq kommunalbestyrelsimit, socialstyrelsimit suleqatinillu pingaarutilinnit qaaqqusisoqarluni.




Tusass frimærkip tunniunneqarnera

Martsip aappaani 2022-mi H.K.H. Kronprinsesse Mary-p frimærkia tunniunneqarpoq, tamanalu Mælkebøttenimi ilasseqatigiinnermik ma-lunnartinneqarpoq, immikkoortortaqaarfiit ta-marmik Ilasiaq ilanngullugu qaaqusaaffigi-saannik.



Upernaaq

Upernaakkut Kapisilinni illuutitsinnut angalaneq, apummi nuannisarnermik tatsimilu aalisarnermik ilalik.



Apersortitsinerit

Majip 8-nni Lea-Bella apersortippoq nalliuttorsiuigineqarlumik, kaffillertoqarluni unnukkullu nerersuaqatigiittoqarluni.



Majip 22-anni Lana apersortippoq, aamma taamatut nalliuttorsiuigineqartumik, ullukut kaffisortitsisoqarluni unnukkullu nerersuaqatigiittoqarluni.



Royal Run

Meeqqat Ilasiamiittut H.K.H. Kronprins Frederiup ukiu-
moortumik arpatitsineranut Royal Run-imut ilaapput.




Meeqqat atuarianni naggataarneq

Rebekka meeqqat atuarianni naggataarpoq junip 23-anni 2022, naggataarnera Ilasiami kaffisortitsillu-
ta malunnartipparput.



Kapisillit

Aasakkut feeriarneq Kapisilinni illuutitsinnut angalanermik aallarnerneqarpoq, pisuttuartarluta, aali-sartarluta imaani pinnguarluta ikumatitakkullu pannakaagiliorluta.



Aasaanerani feeriarneq

Aasaanerani Danmarkimut feeriarput, ilaatigut makku takusarlugit:

- Marielystimi aasarsiortarfik, naluttarfilik sammisassaqtivilillu
- Københavniinneq, augustip aallaqqaataani Tivolimiinneq, meeqqat ilaasa ilaqtaminnik Danmarkimi najugalinnik naapitsiffigisaat
- BonBon-landimiinneq
- Gokarterluni sukkaniunneq
- Sissaliarneq
- Knuthenborg Safariparkiliarneq



Atualeqqarfik

18. august Peter Nuussuup Atuarfiani atualeqqarpoq.

Peter atualeqqarmat nalliuttorsiorpugut ullormi tassani kaffillertoqarluni.



Ukiunik 15-nngortorsiorneq

Augustip 23-anni Mælkebøttecenerip 15-liinera malunnartinneqarpoq, tamatumunngalu H.K.H. Kronprinsesse Mary kaffillernerimut qaaqqusaavoq, kronprinsesselu Mælkebøttenimut apuummat Lana naasunik tunissuteqarluni tikilluaqqusisuulluni.



Catch N' Eat

Novemberip 7-anni meeqqat Nuuk Water Taxi-mut ilaallutik Catch N' Eat-eriarput.

Ukiumoortumik nuniakkiartarneq allangorlugu Catch N' Eat-ertoqarpoq, nukappiaqqat Ilasiameersut Peter Allu-meersoq ilagalugu Sermitsiap Kangerluanut aalisariarput, kingorna neriniartarfimmut Unicornimukarlutik, tassani aalisakkat pisatik neriniartarfiup iggaviani iganeqareersut nerillugit.


Catch N' Eat tassaavoq, neriniagaq saarullik suluppaagarluunniit kangerlummi nammineq pisarisinarlugu, neriniartarfimmi igatillugu.



Aalasa



Novemberimi Lana atuaqatinilu Aalasa-mi unammisitsinermi ajugaapput.

Aalasa-mi unamminermi siullermi Nuummi ajugaapput, taava Sisimiuliarput nuna tamakerlugu unamminermut peqataajartorlutik, tassanilu aamma ajugaallutik. Akissarsiaaraat Air Greenlandimiit angalanissamat 20.000 kr.-it. Taamaalillutik Lana atuaqatinilu ajugaaniutivinnissanut anngupput, Danmarkimi aprilimi 2023 pisussamat. Lana nuannaartsi-teqaluni unammereernerup kingorna immikkoortortanut kagillerlunilu mamakujunnik pajuppoq.



Juullimut qiortaneq

Decemberip 6-anni meeqqat Mælkebøttecenerimiittut Arktisk Kommandop umiarsuaanut Knud Rasmussen-imut juullimut qiortaanissamut qaaqqusaapput. Meeqqat nuannaarutigeqisaannik sakkutuut qiortaanermut nuannisarnermullu peqataapput. Meeqqat aamma umiarsuarmi takornariartitaapput, atortorissaarutinillu misiliillattaallutik.



Allu

Najugaqarfik Allu, Mælkebøttecenterip immikkoortortaasa ilagaat, taanna 2014-imi augustimi ammarpoq. Allu 12-iniit 15-inut ukiulinnit najugaqarfingeqartarpoq. Najugaqartulli 23-liinissartik tikillugu tassani najugaqarsinnaapput. Amerlanerit inissineqannginnerminni isumaginninnikkut tarnikkullu misissoqqisaarneqarsimapput.

Allu pilersinneqarpoq Mælkebøttenimi misilitakkat tunngavigalugit, tassanilu naleqartitat aaqqissuus-seriaaserlu assigalugit. Mælkebøttecenterimi pingaartitaavoq ilaqutariit inuuneranni killissarititaa-sunut sapinngisamik qanittumik aaqqissuusisoqarnissaa, tassalu angerlarsimaffik sapinngisamik ilaqutariippalaartumik aaqqissugaalluni.

Allu-mi ukiup ingerlanera

Ukioq Allumi tamanut misigisarpassuarnik nassataqarpoq, aamma ukioq manna. 2022-ip aallartin-nerani meeqqat allanut nuuttut inuulluaquagut, Allumilu nutaanik najugaqartoqalerluni, taamaattu-mik ukiup aallartinnerani piffissaq atornerqarpoq imminnut ilisarinerulernissamut, meeqqat sulisullu eqqarsaatigalugit. Allatuulli 2022-mi pitsaasut pitsaanngitsullu aqqusaarpagut, naak amerlanerpaat pitsaasuugaluartut, ilisarinerulernitsinnilu ataatsimoorusaarneq imaluunniit silami illullu iluani sam-misaqarneq pikkoriffigaarput. Ukioq misigisaqarfioqisoq qaangiuppoq.

Meeqqat inuusuttuaqqallu inissitat

Allu ukioq kaajallangajallugu ulikkaartuarpoq. Nukarliit 11-nik ukioqalerput meeqqallu akornani anga-julleq 18-liilluni, tamarmik soorunami kaffillernermik nalliussineqarput. Sulisut meeqqallu sorpas-suartigut nuannersumik peqatigiittarput, sammisarpassuaqarlutik ataatsimoorlutillu. Nukarliit suli meeqqat atuarianni atuartuupput, ataaseq augustimi meeqqat atuarianni naammassereerluni efter-skoleriarluni aallarpoq, inuusuttuaqqat ilaat GUX-imi aallartippog, angajullerlu piffissaq tamaat suliffe-qarluni. Angajulleq ukiup naanerani nuuppoq, ingerlariaqqinnissaminut piareerami namminerlu naju-gaqarusulluni. Tanngassimaarutigearput.

Allumi ulluinaat

Ullut ingerlasarput meeqqat atuarlutik imaluunniit sulillutik. Allumi ullut eqqiaaffiusut, ullut igaffis-saasut tallimangornikkullu iniminnik torersaanissaat, tamaasa allattorlugit takussutissaqartinneqar-put. Pisassaminnik naammassinnissimasut tamarmik tallimangornikkut kaasarfimmiussatik tigusa-rpaat, tassa pisussaaffiit aallunneqartariaqarput tallimangornikkut mamakujuttutorusukkaanni alla-nilluunniit nuannisaarutissaqarusukkaanni. Sapaatit akunnerisa naaneri timigissarnermut sammisa-nulluunniit allanut atornerqartarput. Sammisassat pillugit pilersaarut sulisunit nutarterneqartuarpoq, taannalu naapertorlugu ingerlaniarsarisarpugut, kikkullu tamarmik peqataagaangata nuannerluinnar-tarpoq. Sammisassat ilaatigut tassaallutik Allumut qanittumi pisuttuarnerit, iffiorneq il.il..

Ukiumi 2022-mi meeqqat tamangajammik qilattaanermik ilikkarput. Ilaat imminnut tuluujussaminnik qilattaapput.



Meeqqat atuarfiat naammassillugu - inuunermilu nutaamik aallartisarneq

Meerartatta ilaat meeqqat atuarfianni naammassimmat pitsaasumik nalliuttorsiuqigineqarpoq. Meeqqat atuarfianni naammassereernermi Danmarkimi efterskolerneq tullinguuppoq, efterskole taanna meeqqat uagutsinnut inissineqarsimasut allat najornikuuaat. Tamanna ilikkarfiullunilu misigisaqarfiusarpoq, nammineersinnaanerulerneq ilinniarneqartarluni, meerartatta efterskolemiissimasut tamanna takutittarpaat.

Seqineq – Kapisillit

Kapisilinni illorput aamma ukioq manna atornerqarluppoq, ukiup ingerlaneranimi arlaleriarluta taqqamaniippugut. Meeqqat taqqamaniikkaangatta ikiuulluarterput. Påskikunni Kapisilinneeqqaarpugut, eqqissisimaartoqarluni, pisuttuarnepassuit illumilu nuannisaqatigiinneq. Meeqqat Kapisilinnukarnissaminnut qilanaartuaannarput.



Kapisilinni iffiortuaqqat.



DANA-Cup

Nukappiaqqani nukarlersarput 2022-mi Danmarkimi DANA-Cup-imut, tassa nunat tamalaat akornanni Hjørringimi inuusutut arsarlutik unamminerannut ilaasussatut toqqagaavoq. Inuusuttut timersornermik sammisaqarnerminni tapersorsorneqartarput, sungiusaraangata takusartarpavut unammigaangatalu illersortarlugit. Meeqqat timersornerminni tapersorsorneqarlutik nukittortarnerat isigalugu nuannertuaannarpoq.



Nukappiaraq unamminermi arsarullat-sialattut toqqagaasimasoq tanngassi-maartoq.

Danmarkimi aasakkut feeriarneq

2022-ip aasaanerani kiisami Covid-19-ip kingorna Danmarkimi feeriansinnaanngoqqippugut. Sapaatit akunnerini marlunni angalavugut, meeqqallu nuannaartut ilagalugit nuannisarpugut, eqqissisimaarluta, sissaliarluta, pisiniafilerilluta allarpassuarnillu sammisaqarluta – Djurs Sommerlandimut angalanerput puigunaatsuvoq. Meeqqat ilaat siullermeertumik Danmarkimiimmat takutitassarpassuaqarluta pilersaarusiarpugut, angalanitsinnilu nuannersunik tissinartunillu misigisaqarluta. Angalaqataasunut tamanut eqqaamasassat nuannersut.

Angalaqqinnissarput qilanaaraarput!



Djurs Sommerlandimut angalaneq – angalaneq nuannersoq meeqqat nuannaartut ilagalugit.



Aajuna Reepark-imut angalanitsinnit asseq. Ulloq kiarujussuartoq.

Sammisat

Allumi sammisaqaqatigiinneq pikkoriffigaarput, siusinnerusukkut eqqaaneqareersutut sunik pisoqarnissaanik pilersaaruteqareerpugut, tamatumali saniatigut allarpassuarnik sammisaqarluta.

Ilaatigut cafèliartarpugut, pingaartumik attaveqarfiup naapittarne-rini, attaveqarfik meerarlu ilagalugit filmeriartarluta, kangerlummi angalalluta, timigissartarfiliarluta il.il.. Assit sammisatta ilaat ta-kutippaat.



Meeqqat nutaanik ilikkagaqassallutik nuannaraat – aajuku appanik erisartut.



Ukiq manna unammiaarneq aamma nuannarineqaaq.



Royal Run-imi peqataavugut.

Ileqqut nutaat

Ukiup naalernerani Allumi julefrokosterpugut, nerilluarluta meeqqat sulisullu nuannaartut ilagalugit, mandelagveqarlunilu poortukkanik paarlakaalluta pinnguarpuq. Ualeq nuannerluinnarpoq. Ukiup naanera taamaalluta malunnar-tilluarparput, ukiq qaangiuttoq misigisallu eqqartorlugit.



Tapiissuteqartartut, aningaasaliisut suleqatillu qutsavigaavut

Eqqaaneqareersutut 2022 ukiuvoq Mælkebøttecenerimut sulissarpassuaqarfiusoq pissanganartorlu. Ukiup takuteqqippaa, ataatsimoorangatta ikioqatigiillutalu, angusassavut annertunerujussuusartut.

Naggataagut suleqatigiilluarsimanitsinnut, meeqqat inuusuttuaqqallu Nunatsinni sumiginnagaasut pilugit sulinitinnut tapiissutinut tapersersorneqarnitsinnullu angisuumik qujavugut.

Sammen gør vi en forskel! – Allanngueqataavugut.



Qujanaq – Tak

Mælkebøttecenerimi attavissat

MÆLKEBØTTECENTERI

ALLAFFEQARFIK
Aqqusinersuaq 27
+299 36 21 01
info@mb.gl

Pisortaq

Nuka Fleischer
+299 36 21 06
+299 56 46 84
fleischer@mb.gl

Aningaasaqarnermut pisortaq

Erik Amondson
+299 36 21 03
+299 56 08 86
erik@mb.gl

Allaffissornermi siunnersorti

Vivi Munk Egede
+299 36 21 04
+299 53 91 19
vivi@mb.gl

Administrator

Naduk Ravn
+299 36 21 05
nra@mb.gl

Kontorfuldmægtig

Majken Gundtoft
+299 36 21 01
+299 55 24 84
mgu@mb.gl

Psykolog

Katrine Lynge Vitting
+299 48 31 04
kve@mb.gl

Mælkebøttenimi aqutsisoq

Edith Nordbeck
MÆLKEBØTTEN
John Møllersvej 8
+299 36 21 11
nordbeck@mb.gl

Najugaqarfimmi Ilasiami aqutsisoq

Lena Kielsen
BO-ENHEDEN ILASIAQ
Nigerleq 5
+299 36 21 20
kielsen@mb.gl

Najugaqarfimmi Allu-mi aqutsisoq

Pilu Noahsen
BO-ENHEDEN ALLU
Avallia 22-24
+299 36 21 15s
noahsen@mb.gl

Seniorkonsulent

Kirsten Ørgaard
+299 59 74 39
+45 22 93 94 58
oergaard@mb.gl

Tamatuma saniatigut **Facebook** aqutugalugu
Mælkebøtteceneri alakkarlugu imaluunniit
nittartakkatsinni www.mb.gl